



Broj:11-07-04-55454-125/24

Datum: 06.02.2025.godine

KANTON SARAJEVO

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

- ovdje-

PREDMET: Odgovor na zastupničku inicijativu; dostavlja se

Poštovani,

U Ministarstvo za odgoj i obrazovanje Kantona Sarajevo (u daljem tekstu: Ministarstvo) dana 30.01.2025. godine zaprimljena je zastupnička inicijativa zastupnica Elze Gaković i Mersihe Mehmedagić, broj 01-04-55454-36/24 od 27.01.2025. godine, kako slijedi:

Zastupnice Elza Gaković i Mersiha Mehmedagić u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15, 48/16, 9/20, 16/22, 17/22-ispravka i 47/24), u okviru 19. radne sjednice Skupštine Kantona Sarajevo, uputile su sljedeću zastupničku inicijativu:

ZASTUPNIČKA INICIJATIVA:

Na osnovu člana 106. Poslovnika Skupštine Kantona Sarajevo, pokrećemo inicijativu prema Vladi KS da izvrši analizu koliko javnih objekata nema sve potrebne dozvole i u statusu su objekata za koje je potrebno izvršiti legalizaciju. Shodno rezultatima analize po resorima molimo da se razmotri mogućnost parcijalnog pristupa legalizaciji na način da se donese odluka o legalizaciji ali samo za postojeće objekte u vlasništvu Kantona Sarajevo i od Kantona osnovanih institucija.

Kao obrazloženje predmetne inicijative navedeno je sljedeće:

Zbog primjera Škole u prirodi u Šabićima u koju su uložena značajna budžetska sredstva, a koja ne služe krajnjoj namjeni jer objekat nema upotrebnu dozvolu izdatu od strane Općine Trnovo, objekat zbog nekorištenja propada a za školu u prirodi van Kantona Sarajevo

se uporedo izdvajaju značajna sredstva kako učenici ne bi bili oštećeni za ovaj vid nastave. Kako ovo, nažalost, nije jedini slučaj objekta u javnom vlasništvu koji iz različitih razloga čeka na odluku o legalizaciji, smatramo opravdanim parcijalno rješavanje pitanja legalizacije do sveobuhvatne analize broja nelagalnih objekata u privatnom vlasništvu i donošenja konačne odluke o legalizaciji za sve zainteresovane strane.

ODGOVOR:

Ministarstvo u potpunosti podržava predmetnu inicijativu za legalizaciju javnih objekata u vlasništvu Kantona Sarajevo, sa posebnim naglaskom na objekat Škole u prirodi u Šabićima, a koji je u sastavu JU *Zaim Kolar* Trnovo. Međutim, Ministarstvo nije predlagatelj propisa koji regulišu ovu oblast tako da Ministarstvo.

Napominjemo da je Ministarstvo u toku 2024. godine započelo intenzivne aktivnosti na analizi i rješavanju imovinsko-pravnih odnosa objekata koje koriste odgojno-obrazovne ustanove u saradnji sa Pravobranilaštvom Kantona Sarajevo.

Ministarstvo će detaljnu analizu sa prikupljenim materijalima, u toku 2025. godine, dostaviti Vladi Kantona Sarajevo u vidu informacije sa prijedlozima za dalje postupanje nadležnih.

S poštovanjem,

Dostaviti:

- naslovu;
- u Spis;
- a/a.

